



BIBLIOTHECA
UNIVERSITATIS
GRADUENSIS

kat.komp.

585503


Mag. St. Dr.


1



585503

Mag. St. Dr.





Q. D. B. V.

Disputatio Juridica

De

OBLIGATIONE
STUDIOSI STI-
PENDIARII,

Ad

Specimen Eruditionis edendum.

Quam

In Inclyto Gedanen. Athenæo,

PRÆSIDE

DN. JOHANNES SCHULTZIO,

J. U. D. Ejusdem & Histor. P. P. ut & dicti Athenæi inspectore

Fautore & Præceptore suo atatem devenerando,

In Auditorio Maximo

Horis matutinis

Anno M. DC. LXXX. D. XIV. Septembr.

Solenniori Disquisitioni exponet

MICHAEL PAULI, Gedan.

Alumnus hætenus Oelhasian.

GEDANI,


Typis Davidis Friderici Rhetii.

1970 D64 St. Dr.

Stipendiorum Materiam e fontibus
 suis derivatam, inque varios titulorum
 rivos divisam, exhibuerunt ingenia e-
 ruditione tam sacra, quam profana
 longe instructissima. Nulla igitur jam ejus
 superesse videtur pars, nisi quam grati animi
 innuit honestas. Obligationem sc. hic in-
 telligimus, qua Studiosus Stipendiarius Fun-
 datori & Administratoribus Stipendii obstrin-
 gitur ad Specimen Eruditionis edendum. Sti-
 pendia enim beneficiorum naturam inducere
 uno fere ore Jcti fatentur omnes. Grate i-
 taque & hæc beneficia ad quosdam pervenis-
 se indicandum est effusis affectibus : *Qui
 enim grate beneficium accepit. primam ejus pen-
 sionem solvit. Sunt quidam, qui nolunt nisi
 secreto accipere : testem beneficii & conscium,
 vitant: quos scias licet male cogitare. Quomodo
 danti in tantum producenda notitia est munc-
 ris sui, in quantum delectatura est eum, cui da-
 tur: ita accipienti adhibenda concio est. Quod pu-
 det debere, ne acceperis. Quidam furtive agunt
 gratias, & in angulo, & ad aurem. Non est
 ista*

ista verecundia, sed inficiandi genus. Ingratus est, qui remotis arbitris agit gratias. Quidam nolunt nomina secum fieri, nec interponi pararios, nec signatores advocari, nec chirographum dare: idem faciunt, qui dant operam, ut beneficium in ipsos collatum quàm ignotissimum sit. Verentur palam ferre, ut sua potius virtute, quam alieno adiutorio consecuti dicantur. Rariores in eorum officiis sunt, quibus vitam, aut dignitatem debent: Es dum opinionem clientium timent, graviores subeunt ingratorum, inquit Seneca Lib. II. de Benef. Cap. 23. Et hoc sensu publicum Eruditionis Specimen ab Alumno OELHAFIANO editur, ut publice ita Fundatoris Viri Amplissimi, Spectatissimi DNI. DAVIDIS OELHAFII propensa in DEum pietas, in studia favor, in egenos liberalitas innotescant. Nos interim publico huic testimonio privato subscribimus voto, piis manibus gaudii cælestis æternitatem, mollem cineribus quietem, nomini OELHAFIANO gloriam, ipsisque Amplissimis Administratoribus perennem optantes felicitatem.

CA-



Caput. I.

De

Obligatione a Subjecto.

Conspectus.

§. I.

Explicatio terminorum Studiosi. §. 2. Et Stipendiarii.
§. 3. Requisita essentialia in Studio Stipendiario sunt
capacitas naturalis & industrialis. §. 4. Incapaces igitur
naturae plane admittendos non esse ad stipendium capiendum
docetur. §. 5. Adduntur hic temperamenta quadam. §. 6.
Praesupposito jam capacitatem adesse, necessitas speciminis
edendi demonstratur (1) ab Amore DEI. §. 7. Resolvun-
tur contraria argumenta. §. 8. Argumentum (2) propo-
nitur ab amore proximi & Reip. §. 9. Resolvuntur contra-
ria. §. 10. Argumentum (3) proponitur ab amore sui. §. 11.
Resolvuntur contraria. §. 12. Argumentum à capacitate
industriali breviter exponitur.

§. I.

Studiosi nomen vario sensu accipi innuit la-
xa vocis (studiorum) primitivæ, a qua
derivatur, significatio, adeo ut omni ar-
tium tam liberalium, quam illiberalium
studio addictis speciosa hæc appellatio
denegari nequeat l. 13. & l. 53. ff. de Fidei commiss. liber-
tat. Tab. in Racem. Criminal. p. 228. Strictioribus termi-
nis

nis includitur, quando illam literarum cultores sibi vindicant tanquam propriam, exclusis reliquarum artium peritis. Et hac ratione nomen Scholarium & Studioforum eundem sensum exprimit. *Auth. Habit a. C. Ne Filius pro Patre. Rebuff. de Privileg. Scholar. Besold. in Tract de Jure Acad. Cap. 5. f. 215. Spekbahn. in Centur. 2. Class. 1. Q. ii. Svecvus in Diss. Acad. ad. d. Auth.* Cum vero & in literarum cultu distinctio esse soleat inter facultates superiores & inferiores, Studiosi nomen illis imprimis speciale esse cœpit, qui superioribus se jam applicant, reliquis titulo Scholarium donatis, qui sc. Scholas adhuc triviales frequentant *vid. Limn. J. P. Lib. 8. c. 6.* Superiorum vero Facultatum nomine hic intelligi Theologiam, Jurisprudentiam, Medicinam & Philosophiam demonstravit *Carpzov. Jurispr. Consist. Lib. III. Def. 12.* Strictissima tandem nominis Studiosi acceptio Juri addictos tangit; eosque non omnes, sed illos tantum, qui Jurisperitia instructi rebus tractandis apti sunt, gloria vocis istius gaudere docent. *l. 1. ff. de Offic. Assess. l. 9. §. 1. ff. de pœn. l. 4. ff. de extraord. cognit. conf. Brissom. de Verb. Signif. ad Voc. Studiosus.*

§. 2. Cum vero hic Studiosum Stipendiarium posuerimus, brevibus Vox Stipendiarum enucleanda veniet. Origo ejus militaris est, dum a stipe derivatur *l. 27. §. 1. ff. de V. S. quæ militibus conferri solebat in præmium laboris. Perez. ad tit. C. de his qui non impletis stipend. n. 1. Freudentb. de Rescript. Morat. Tit. 7. Conclus. 44. n. 44.* & in specie olim stipendiarum proprie illi dicti erant, qui vicena compleverant militandi pericula. *Cotarcus de Jure Militar. L. 1. c. 24.* Cum itaque studia militiæ æquiparentur *l. advocati 14. C. de Advocat. divers. judic. Et gloss. in l. miles ff. de Rejudic.* Vos Stipendii etiam piis donationis studiorum causa factis accommodatur. *Gockel. Diss. de Pius Donat. tb.*

3. & 31. recteque a Genêroso Domino a *Sekendorff*. in *Tra-
ctat. de Regimin. Stat. Princip. Germ. P. 2. c. 14.* exprimitur
Germanice, quod sit. *Eine jährliche Reichtung eines ge-
wissen Geldes vor arme Studierende Jugend.*

§. 3. Propius jam obligationem e Subjecto seu ex
persona Studiosi Stipendiati deducturi duplex momen-
tum præsupponimus, *Capacitatem Naturalem, & Industri-
alem.* Primum itaq; requisitum erit *Capacitas Naturalis,*
s. aptitudo ingenii ad studia tractanda (1) cum etiam studia
sint actus meri intellectus & applicationes vehementes
ad aliquid peragendum, ut loquuntur *Bald. in l. 1. §. hujus
studii n. 4. ff. de J. & J. & Jaf. Consil. 149. colum. 1. Lib. 4.*
Artium vero illiberalium negotia sensibus ut plurimum
externis, multisque laboribus & molestiis perficiantur.
vid. Thom. Garz. Piazza Universal. 1. Discurs. 1. Ingeni-
orum selectum pro studiorum cultura instituendum esse,
recte monuit *Spizel. in Infelici Literato Commonefact. 13. de
animo docili pr.* (2) Metus quoque hic non infimus subest
Remp. maximis exponi periculis, si quoslibet ad litera-
turam, eosque incapacissimos trahat, vel gloriæ ex literis
vanitas, vel parentum de liberorum aptitudine cæca ex a-
more opinio, vel Præceptorum lucri causa injecta de ca-
pacitate infantum Parentibus vel agnatis persuasio. Hinc
illæ lacrymæ, dum a semidoctis istis publicum statum ma-
xime lacerari demonstravit ita non inconvenienter de
Moribus Galliæ *Gramond. Histor. Gallic. Lib. III. f. 109.*
*Palam est, inquit ille, lethalem esse Reip. lippis &
consonibus promiscuum scientiarum usum; qua ex cau-
sa arceri olim soliti profani a Sacris, queis scientia-
rum arcana continentur.* Ex quo strata cuilibet in-
Parnassum pia facilis, paucis in summum apicem ascensus est.

Docet nos experientia seculi, sub quo vivimus, pauciores esse eruditos, quo plura collegia sunt. Triginta jam anni voluntur, ex quo Gymnasis obruimur, ubi amabo augmenta literarum? ubi probati Autores per hac tempora? Si qui meruere in re literaria nomen, supra aetatem nostram sunt, apud veteres magistros instituti, aut in majoribus Gymnasiis. Obstat item ratio politica, qua docemur stare & augeri commerciis regna, quae ire in pejus & minui certum est, ubi quilibet e populo sectatur literas: raro mercato rem se ferat, qui ex literis gloriatur. Hinc litibus augmenta in pagis, dum vassallus vana Latinitatis imagine, qua illuditur, litem feudi Domino movet: Hinc advocatulis implentur oppidula, aut notariis deterrimo hominum genere, cui velut birudinibus populi sudor & sanguis vita sunt. Huc trahendum prudens Perezii Consilium ad Tit. C. de Profess. qui in urbe Constantinop. l. 12. n. 6. Invigilandum est Principi, & illis qui ejus consilia dirigunt, ut selectae sint Academiarum leges, selecti Professores, & discipuli, quos se vita integritas & ingenium probavit, rejiciatur nimia illa turba sectantium juris studia, praesertim plebejorum & miserorum, ne ars tanta propter tenuitatem, a religionis auctoritate abducatur ad mercedem & questum, summa est enim perversio finis Jurisprudentiae, quod solo divitiarum voto discatur & ad questum convertatur. Jam vero id quod tanquam Reip. imminet periculosum fugiendum, aut tollendum esse docet l. congruit. 13. ff. de Offic. Praef. Conf. Carpz. de Leg. Reg. c. l. f. 18. n. 9. (3) Iplis quoque personis, earumque familiis talem ad studia pruritum maxime damnosum existere, testatur experientia, dum exclusi a publicis muneribus & paupertate atterantur & ludibrio aliorum exponantur, & pa-

parentibus ipsis graves existant, qualem quidem prurium coercendum esse rectè statuit Fürstl. Magdeburgische Schul-Ordnung de anno 1658. Sect. II. C. 7. §. 7. verb. Daß nicht einem jeden seines Gefallens zu studieren nachgelassen werde. Imo Parentes quoque istos maxime peccare constat vel inde, quod liberis non rectè consilio integro prospexerint, atque ita pietatem officii paterni non expleverint. arg. l. in ea 22. ff. ad L. Jul. de adult. Nec interest hic an mandaverint, an consuluerint, an suaserint tantum. Quæcunque enim verba hic a Patre intercesserint, propter autoritatem dicentis & respectum ex imperio & obedientia connexum, mandati vim obtinent. l. 1. §. 2. ff. mandati. Dunozet. Decis. 329. num. 4. Fagundez. de Justit. & Contract. Lib. 1. Cap. 5. n. 15. & Lib. 4. c. 7. n. 30. Molin. Tom. 1. de Justit. & Jur. Diss. 239. Sibi itaque imputent Parentes, nec causam conquerendi arripiant, si forte alendi tales liberi ipsis graves existant. Involuntarium enim ex voluntario ortum habetur pro voluntario, & quæ antea fuerunt voluntatis, ex post facto fiunt necessitatis. l. 17. §. 3. ff. Commod. Conf. Dn. Stryk. in Tractat. de Cautel. Contract. Sect. II. Cap. II. th. 6. Berlich. P. II. Decis. 246. n. 15. Denique & Præceptores tales peccare, & actione mandati conveniri posse statuimus, propter consilium persuasivum, quod magis in utilitatem persuadentis, quam discipuli tendit, adeoque a doli suspicionem immune vix esse poterit, & actio doli in talem intentari. l. 47. ff. de R. J. vid. Diff. Ampliss. Dni. Hoppi de Jure Ignotorum. Cap. III. n. 4. Dolum vero hic subesse ideo constat (1) dum non tam discipuli, quam sui utilitatem intendisse videtur (2) dum Parentes alias non applicuissent liberos studiis tractandis, nisi persuasi fuissent. arg. l.

6. §. 5. ff. *Mandati*. Nec obstat forte imperitia judicantis Præceptoris de capacitate discipuli. Est quippe talis imperitia, quæ in artis perito culpæ annumeratur. l. 7. §. ult. ff. ad L. *Aquil. conf. Bronchorst. in Comm. ad R. J. L. 46.*

§. 4. Præsuppositis itaque istis recte concluditur, incapaces istos nec ad studia tractanda, nec ad stipendia capienda admittendos esse, adeoque non immerito & Magistratus, & Parentes, & Præceptores iterum serio monet d. Ord. p. 37. §. 17. ne quivis ad studia tractanda admittatur. Verb. Weisn ein accuratum Scrutiniū ingeniorum, und genaue Prüfung zu Studieren tüchtigen oder untüchtigen Leutē hierbey höchst nöthig / die weiln es nach dem gemeinem Sprichwort heisset: Non ex quo vis ligno fit Mercurius: und aus sonderbahrer Verordnung des Allerhöchsten ein Mensch zu dieser / ein ander aber zu einer andern Wissenschaft mehr Lust und Beliebung hat / daher so wol die Obern / Eltern und Præceptores hierinnen gebührende Sorgfalt erweisen / und niemand zu solchen Dingen / wozu er ganz keine Lust oder inclination, mit Ungestüm und Gewalt zwingen müssen / denn es bleibt wol dabey:

Tu nihil invita dices faciesve Minerva.

Atque ita per consequens incapaces a stipendiis capiendis arcendi erunt (1) quia hæc dantur sub conditione, si forte quis studia tractare digne & ad officium Reip. tenendum habilis futurus esse possit. Conditio vero talis, quæ impleri nequit, Contractum reddi ipso jure nullum. l. *impossibilis* 7. ff. de V. O. Contractum vero hunc innominatum, do ut facias, esse evincit natura Stipendii, Do sc. stipendium ut studeas; atque in Reip. utilitatem illud impendas. (2) Colligitur id ex natura beneficiorum, inter quæ

quæ numerandum est stipendium : *vid. Gockel. Diff. de piis donat. lib. 3. Abasp. Fritsch. Tract. de Stip. & Stipend. Scholar.* Jam vero bene merentibus aut merituris, non vero a quibus nulla spes affulget, beneficia conferenda esse docet *l. 4. C. de statutis & imag.* cum maxime eo respici debeat, ut salus Reip. per eos promoveatur, adeo ut is qui indignum elegerit, & exinde damnum fecerit Reip. illud resarcire teneatur. *Less. Lib. 11. c. 12. dub. 12. Covarruv. ad 1. peccatum §. p. 3. de Reg. Jur. in 6. solo. Lib. 10. q. 6. conf. Diff. Dni Presidis de Justitia. Casuum pro amico. Cap. III. §. 1.* Id quod ne eveniat, monitum Consilii *Ordinat. Eccles. Saxon. cap. 2. §. Damit aber / hic præcavebit. Verb. Ihres Ingenii, Wunders / Fleisses / und wie fern sie in ihren Studiis kommen Zeugniß auflegen.* Et postea: Und ohne Ansehen der Personen allein die besten Ingenia außerlesen / und und zu solchen beneficien befördert werden ic.

§. 5. Ne tamen nimium hic rigorem sequi videamur, temperamenta quædam addenda erunt. Dicendum igitur (1) incapaces hic a stipendio illo excludi, *quod ad studia destinatum est*, ex natura ejusdem, & ex intentione fundatoris, quam omnibus modis observandam esse docet *l. 5. ff. Quem adm. test. aper. Natta Consil. 211. n. 5. Vol. 1. Paul. de Castro in l. ex facto ff. de vulgar. & pupillar. substitut.* non vero alia ipsis alimenta deneganda erunt, si forte egeni existant, cum quis necare dicatur, qui alimenta subtrahit. *l. necare 4. ff. de agnos. & alend. libr.* quia vento non vivitur *l. 2. C. in fin. de aliment. pupill. præst. Limn. J. P. Lib. 8. C. 7. n. 1.* (2) illos hic intelligi, qui omni destituuntur ingenio, quales sunt furiosi *l. 5. l. 40. de R. l. l. 1. §. 2. ff. de O. l. conf. Grot. de J. B. & P. Lib. 11.*

C. II. impotes mentis, imo etiam stupidi & hebetes, quibus nullum inest, nec sperari potest ingenii acumen *arg.*
§. 4. *Inst. de Curat.* Non obstat *l. ob quæ vitia ff. de edil. edict.* Ubi in venditione servi vitium animi non attenditur, nisi ex vitio corporis proveniat. Resp. agitur ibi de servo, a quo operæ corporis, non ingenii præstari solent. Sed si expresse ingenii opera requiratur, aliter decidendum esse iudicamus, eo quod res ipsa inutilis ad usum, ad quem destinatur, reddita sit. Et hinc etiam in animi vitio actioni redhibitoria tunc locum esse demonstrant *Fagundez. de J. & J. Lib. 5. c. 38. num. 4. & Dn. Brun. ad L. 1. §. 5. n. 10. ff. de Edilit. edict.* Nec obstat hominem propter naturæ vitium jure suo privandum non esse, adeoque nec furiosum, nec amentem dominio excidere recte docuerunt *Victor. de Bello Lib. II. num. 5. 6. 7. Grot. de J. B. & P. Lib. II. Cap. 22. tb. 10. n. 1. & cap. 3. tb. 6.* Stat enim ius illorum intra actum primum, licet propter defectum rationis non possit pertingere ad actum secundum. Resp. Distinguendum est inter *jus quæsitum & quærendum.* Illud nemini auferri posse, & nos non inficiamur. Sed hic de Jure acquirendo Quæsitio est, in quo incapacitas maxime nocet ob intentionem fundatoris, naturam stipendii & finem, quæ omnia capacitatem requirere videntur, *qua de re superius.* Non vero hic tardiores intelligimus, quia in his spes non omnis abest, sed accelerata tantum. Licet enim *male respondeant coacta ingenia, & reluctante natura irritus labor sit,* ut loquitur *Seneca de Tranquillitat. animi Cap. 6.* absit tamen, ut tardos a Musarum aditu & consortio excludamus, quin potius de iis optima quæque nobis quandoque polliceamur, cum tales sint durabilioris nature.

turæ, & post diligentem culturam satis uberes ferant fructus. *Plutarch. de Educat. Cap. 4. conf. Spizelius in infelici literato. d. l.* (3) hic intelliguntur qui statim initio & naturaliter quasi incapaces fuere, non vero qui, postquam stipendio digni declarati sunt, morbo, vel alio accidenti facti sunt. Nam afflicto non est ulterior addenda afflictio, id quod Jura detestantur *l. Divus 14. ff. de Offic. Præs.* Accedit, quod propter interitum metum incapacitatis ex morbo (cum reconvalescere possit) jus alicui certum auferri nequeat *Grot. Lib. II. Cap. 2. th. 13. num. 4.* Nec obstat (4) casum nocere facienti *l. 15. §. 6. ff. Locati.* adeoque dum specimen eruditionis edere nequeunt, eos stipendio dignos non esse. Resp. specialem esse Legum favorem erga liberalium Artium cultores, dum, quod ipsis semel datum est, repeti nequeat, si scilicet per ipsos non stet, quo minus expleant conditionem. *l. 1. §. 13. ff. de Extraord. Cognit. Gail. Lib. II. Observ. 44. n. 12. Carpz. P. II. Const. 5. Def. 10.* Morbus tamen hic & furor simulati excluduntur, quia nemini dolus & fraus sua prodesse & patrocinari debet. *cap. 2. in fin. X. de dolo & contumacia. Cap. ex tenore 16. in fin. X. de Rescript. Bald. in Cap. quod in Ecclesiarum 7. n. 55. vers. quia dolus & fraus. X. de Constit. Hier. Schurff. Cent. 3.*

§. 6. Capacitatem itaque ingenii dum prærequirimus necessariam, Quæstioni principali jam locum facimus. *An quis ad studia animum applicans ad manifestandam sui capacitatem naturalem publico specimine inconscientia sit obligatus.* Resp. Aff. ex triplici obligatione Amoris scilicet DEI, Reip. & Sui. I. Amor DEI hanc in nobis excitat obligationem ex eo, dum imago DEI sumus *Genes. cap. 2.* Imaginem vero DEI esse ad naturam

ejus h. e. ad summum virtutis gradum accedere. Et hanc
 non Christianorum tantum, sed & gentilium opinionem
 fuisse interpres est Seneca : *Nullo modo Tibi prodesse
 possum magis, quam si Tibi bonum Tuum ostendero, si TE
 ab animalibus brutis separo, si cum DEO pono. Epist. 41. &
 124.* Jam vero summe Entis est (1) esse communica-
 tivum sui & operari, ut id doctissime deduxit. *Petr. Po-
 iret. Tract. de DEO, Anima & Malo in Discurs. Prelim. §. 3.*
 Hinc is ab imagine DEI alienus esse videtur, qui sui te-
 nax, capacitatem ingenii includit, eamque privatis tan-
 tum applicat meditationibus, nullam publicæ utilitatis
 habens rationem. Et hos otiosis similes nec futuri ju-
 dicii vim evasuros esse recte docuit *Balduinus in Casibus
 Conscientiæ Lib. 4. Cap. 4. Cas. 4.* (2) Tum imaginis est
 revelare bonitatem & essentialem Principalis sui, & hoc
 est quod Servator vult. *Matth. 5. v. 16. Luceat Lux ve-
 stra coram hominibus, ut videant opera vestra bona &
 glorificent Patrem vestrum, qui est in cælis.* Omnis quip-
 pe actio nostra gloriam DEI intendere debet, uti recte
 Imperator *in Nov. 109.* innuit. Jam vero is, qui celat
 Divinæ potentiæ benignitatem sibi collatam, gloriæ Di-
 vinæ adversari videtur. Accedunt (3) expressæ Volun-
 tatis Divinæ monumenta, quorum partem n. 2. exhibui-
 mus, quibus addimus *Luc. 12. v. 47. & c. 13. v. 7. Job. 15.
 v. 2.* eorumque cumulum augeat Parabola de commissa
 unius Talenti fide, cujus neglectum usum graviter tulisse,
 ideoque privationem totius in pœnam dictasse œco-
 nomo dicitur Dom. *Matth. 25. v. 28.* Talenti vero ex-
 pressionem dotes animi seu capacitatem naturalem intelli-
 gi communi consensu fatentur Interpretes omnes. Ex
 quo fonte egregia videtur de prompta esse JCTi decisio in

l. liber homo 13. pr. ff. ad L. Aquil. qua quis sui non Dominus, sed usufructuarius esse asseritur. Jam vero usufructuarii est causam proprietarii non deteriore facere. *l. item si fundi 9. pr. Et l. 1. §. 4. ff. de Usufr. l. 2. ff. si usufr. petet.*

§. 7. Non obstat (1) animi libertas a DEO concessa, quæ liberam de se suisque actionibus potestatem innuit. Resp. Distinguenda illa est a licentia, quæ male dispensata libertas Senecæ dicitur *L. 1. de Benefic. c. 10.* quæ talis est, si usurpetur contra amorem DEI, proximi & sui. Hinc recte *Cic. Paradox. V. Quid est libertas? Potestas vivendi, ut velis: Quis igitur vivit, ut vult, nisi qui recta sequitur, qui gaudet officio, cui vivendi via considerata atque prævisa est, qui Legibus non propter metum paret, qui nihil dicit, nihil facit, nihil cogitat denique nisi libenter ac libere. Conf. Becm. Lin. Doctr. Moral. Cap. 6. lb. 7.* Adeoque Libertas naturalis cum necessitate, morali non pugnat. Hinc servus ille allegans expresse timorem & tacite intelligens ignaviam non excusatur, quod talentum totum reddiderit. *Talentum enim quod reddit, non acceperat, ut depositum, sed ut fidei commissum negotiativum, vel ut mutuum. Debit igitur reddere DEO non modo talentum, sed etiam officium cum lucro. Conf. Pareus ad Matth. cap. 25.* (2) Non obstat expectandam esse Divinam Voluntatem in legitima vocatione, quam quis antevertere videtur specimen eruditionis edendo, cum tamen ab ambitu & simonia quilibet sepositus esse debeat *l. 31. C. de Episcop. Et Cler.* imo ut quis quærat cogendus, rogatus recedat, invitatus effugiat, requirit. *Perez. ad d. t. n. 2.* Ita de Cornelio Episcopo Romano, *Cyprian. L. 4. Epist. 2. ad Antonian.* *Iste ad*

ad Episcopatum non subito pervenit, sed per omnia officia ecclesiastica promotus, & in divinis administrationibus Dominum saepe promeritus ad Sacerdotii sublime fastigium, cunctis religionis gradibus ascendit. Tum ipsum Episcopatum nec postulavit, nec voluit, nec ut ceteri, quos arrogantia & superbiae suae tumor inflat, invasit, sed quietus & modestus & quales esse consueverunt, qui ad hunc locum divinitus eliguntur, pro pudore virginalis conscientiae suae, & pro humilitate ingenua sibi & custodita verecundia, non ut quidam vim fecit, ut Episcopus fieret, sed ipse vim passus est, ut Episcopatum susciperet, conf. Dannhaw. P. II. Theol. Cas. Sect. 4. Q. 6. Resp. hoc ipso obtrusio spontanea inprimis malis artibus, pretio, commendatione illegitima damnatur, non vero medium emergendi iustum publica Ecclesiae & Reip. autoritate receptum: quale quid Specimen Eruditionis sacrae & profanae esse nemo prudens vocabit in dubium, alias enim de capacitate constare non poterit, cuius tamen cognitionem necessario praemittendam esse docuit Dannhawer d. l. Jam quod publica autoritate receptum est, id ab ipso publico factum praesumitur, nec injustum dici poterit. Cravetta Consil. 144. num. 3. Sturdus de alimentis Tit. 8. pr. 56. num. 88.

§. 8. Succedit II. amor Reip. & Proximi, cuius utilitatem & salutem promovere est boni civis: dum enim quis membrum Reip. tanquam corporis est, membri quoque munia explenda erunt promovendo salutem totius & partium. Hinc recte Cicero, *Vir bonus*, inquit & sapiens, & legibus parens, & civilis officii non ignarus utilitati omnium plus quam unius alicujus aut suae consulit. Lib. III. de Finib. Promovetur vero utilitas Reip. ele-

electione dignorum, & bene merentium ad officia, l. 4. C. de Statuis & imag. l. unic. C. de Potior. ad Munera nomin. Electionem vero præcedere debet cognitio, qua constet de Capacitate eligendi, quaque ommissa vitium Electioni inesse recte docuit Perez. in Comm. C. ad d. l. unic. C. de Potior. ad mun. n. 3. & 4. Quam cognitionem non nisi per Specimen Eruditionis prodi posse, indubium est. Accedit, quod, postquam quis habilis declaratus est, cogi possit ad munus Reip. suscipiendum, nec alia excusatione tutus sit, nisi aptiorem ostendendo per d. l. unic. de quo etiam aliter constare nequit, quam si propria prius aptitudo bona fide innotuerit Reip. Hinc peccatur ex neglectu speciminis (1) contra Remp. cujus utilitati promovendæ se subtrahit (2) — contra Patronos eligentes, quos decepit, dum ignorantiam simulat. Patronorum enim est dignos eligere, adeo ut si forte indignum elegerint, ad damnum inde emergens Reip. resarciendum teneantur. Bobadilla Lib. 1. Polit. c. 3. n. 76. & L. 3. c. 8. n. 45. 46. Guttierrez. L. 2. Can. quæst. c. 11. n. 1. Molin. de Hispan. Primog. L. 2. c. 5. n. 46. & Perez. ad d. l. un. C. de Potior. ad muner. nom.

§. 9. Obstat videtur, quod Reip. non subsit actus non socialis, qualis est Eruditio. Resp. Eruditio in se quidem spectata socialis virtus non est, redditur tamen talis pro certo rerum statu, & ad occurrendum necessitatibus humanis. Hinc illam Reip. quoque subjectam esse ex vi Domini supereminentis deduci potest argumento Grotii de I. B. & P. Lib. 2. c. 25. tb. 3. n. 4. Superior, inquit ille, potest subditum cogere, non tantum ad id, quod jure debetur stricte dicto, sed etiam ad alia, quæ virtus qualibet præcipit, quia in jure proprio superioris hoc est comprehensum.

C

§. 10.

§. 10. Restat III. Amor sui, quem non tantum Natura ipsa inprimit. Nam simul ac natum est animal, ipsum sibi conciliatur & commendatur ad se conservandum, atque ad suum statum & ad ea, quæ conservantia sunt ejus status, diligenda. Grot. L. 1. c. 2, th. 1. Sed & Sacer Textus præcipit, & tanquam naturalem instinctum præsupponit: Nemo enim unquam carnem suam odit, sed nutrit ac fovet eam ad Ephes. 5. v. 29. & Stolidus, dicitur, is qui consumit carnem suam apud Eccles. IV. v. 5. Jam vero qui Eruditionem suam nullo probat specimine, ut electus forte sua quoque commoda promoveri possit, negligit studium se conservandi: Nam Sapiencia absconsa, & Thesaurus invisus, quæ utilitas in utrisque Syrac. 20. v. 32. Huc trahendum egregium Gerbardi judicium ad Matth. Cap. 25. §. 25. Qui donis ad docendum sufficientibus instructum se sentit, oret DEUM, qui operarios extrudit in vineam suam, ut per vocationem ordinariam ipsum mittere dignetur, quin nec indecorum nec inconveniens est; ut talis operam suam Ecclesia ad Ecclesiasticam dignitatem offerat, atque sic honestam vocationem expectet.

§. 11. Et hæc ab amore sui deprompta decisio ulteriore deductione non egeret, utpote firma per se & constans, nisi obstantia prius diluenda essent argumenta, quæ vim habere videntur. Et quidem (1) invito conferri beneficium non posse l. 69. ff. de R. J. Resp. limit, nisi tertii jus simul concernat ut hic Reip. cujus interest bene meritos ad officia eligi l. 3. §. præses ff. de muner. & honor. Bronchorst. ad d. l. 69 de R. J. (2) contra modestiam quis peccare videtur, qui se ipsum tunc laudat, vel laudes captat, specimen Eruditionis edendo, juxta commune proverbium: *Propria laus sordet*: Resp. non-

omnem

15

§. 12. Jungenda jam venit paucis Capacitati Naturali *Capacitas Industrialis*, cujus notam & testimonium exhibet Specimen Eruditionis proprio Marte elaboratum. Industriadem vero & diligentiam hic requiri innuit (1) natura *Studioſi*, cui a studiis & solertia nomen est, adeo ut is, qui diligentiam suam non probat aliquo actu, nec studiosus dici mereatur, nec Privilegiis Studioſorum gaudere possit. *arg. l. 9. C. de SS. Eccles. Et l. in honoribus 8. ff. de Vocat. muner. Christ. Vol. 1. dec. 10. Brun.* ad d. l. 9. n. 5. Accedit (2) Natura *Stipendiati* cujus est mereri industria beneficium sibi collatum, cum alias evertatur finis stipendii, Resp. inde incurrat damnum, & dignioribus hac ratione ad studia & stipendia capeſſenda præcludatur aditus. *Conf. Carpz. Dec. 198. n. 12.* Quam profectum habendam esse rationem in Stipendiariis innuunt verba Rescripti Elector. Saxon. Facult. Witteberg. **Euch ist unverborgen / daß unser Juristisches Stipendium, welches bißhero bey euch N. N. gehabt / nach dessen Endung wieder zuerſetzen vonnöthen; wann dann bey uns N. und N. angehalten / als begehren wir hiezumit gnädigſt ihr ingeſamt wollet beyde Supplicanten / neben andern unsern bey euch verhandenen Stipendiaten Juris von euch fordern / ſie mit Fleiß examiniren / wie ein jeder beſtanden / uns eine Cenſur ſieſenden / und aus allen denen / bey denen Pflichten / damit uns**

ihr verbunden / drey Personen / welche die besten pro-
fectus in Jure haben / ohn allen andern respect unver-
züglich präsentiren &c. *Carpz. Jurispr. Eccles. Lib. II.
Def. 409.* His jungi possunt Verba *Ordinat. Eccles. Ru-
bric.* von den *Stipendiaten Cap. 1. in fin. ibi* : Damit je-
derzeit wo in der Kirchen oder Schulen Mangel an
Leuten vorfallen / die Nothdurfft aus denselben erset-
zet / und ein Vorrath von gelehrten Leuten durch
Gottes Gnade und Segen erzogen werden möge.
*Industria vero hic non fictitia aut simulata, sed vera in-
telligitur, adeoque si quis specimen Eruditionis non pro-
prio Marte compositum pro suo venditet, peccare tunc
recte dicetur (1) quod personæ industria hic sit electa:*
*id quod eo sensu abundat, ut tunc propriæ operæ non
alienæ admittantur. (2) quod hac ratione publicum
decipiatur, cum homines plus sperent, quamest, pro-
movendo indignum & sic Remp. & Ecclesiam ma-
ximis immergendo periculis & incommodis. qua de
re supra jam actum.* Hinc Præsides tales maxime pec-
care indubium est, qui sc. præter merita Respondenti-
bus suis attribuunt laudes, id quod jucundo versu expres-
sum exhibet *D. Besoldus in Thesauro Practico Voc. Doctor.*

Da kompt oft mancher her mit eilich wenig Bogen/
(Die Er doch nicht gemacht) groß pralend auffgezogen/
Und sagt / daß seye nun sein Disputation,
Die Er pro gradu hält / versteht doch nichts davon.
Dann wann Herr Urian hinkompt auf das Catheder
So schweigt Er wie ein Maus / ihm zittert sein Geäder
Und alle Darm im Leib weiß weder aus noch an
Weil Er kein Argument nicht assumiren kan.
Wie im Examine sie als die Stummen schweigen /
Und ihr Unwissenheit mit Reden mehr bezeugen
Das ist genug bekant / und hat ein kleiner Spalt
Oft solches offenbahrt / wiewol mans heimlich halt.

Noch

Noch gleichwol Kompt hernach der Präses auffgetreten
Und sagt uns / wie wir da ein Candidatum hätten /
Der war so hoch gelehrt / in allen so versirt,
Daß Er die Doctors Stell wol doppelt meritirt.

Caput II.

De

Objecto Obligationis seu Specimine Eruditionis Edendo.

CONSPECTVS.

§. 1. *Eplicatio terminorum speciminis.* §. 2. *Et Eruditionis.* §. 3. *Quo in gradu Eruditionis Specimen edendum?* §. 4. *Quæ facultas a Stipendiario eligenda, & in qua Specimen edendum, si nibile a de re dispositum fuerit a fundatore.* §. 5. *Temperamentum additur in eligendo studio.* §. 6. *Quid si facultas a testatore præscripta?* quo genere seu modo Specimen edendum? *Resp.* (1) *examine, non favore sed pro conscientia instituto.* §. 7. (2) *Disputationibus.* §. 8. (3) *Concionibus doctrinariis.*

§. 9. *De*

Specimen jam Eruditionis edendum, tanquam Objectum intentionis examinandum instat. Varie illud edi posse constat, & quidem (1) per Examina, ex quibus Eruditio alicujus luculenter perspici potest. vid. *Carpz. Jurispr. Consistor. Lib. I. Tit. IV. Def. 49. Finckelthaus. de Jure Patron. cap. 6. n. 140. & Ordin. Eccles. Saxon. in Rubric. von Beruff und Annehmung der Kirchen-Diener.* (2) per Disputationes, quæ etiam nomine Speciminis veniunt, cum ab omni ævo dignissimum habitum

fit Studiorum experimentem illis committere, cum nemo sit quem non pudeat convinci disputantem. *Augustin. Soliloqu. c. 7. conf. Limn. de J. Publ. Lib. 8. c. 6. num. 71. 74.* Sed hac de re infra fufius. (3) Conciones *deniqtasindes* seu die Probpredigten. *Ordinat. Eccles. Elect. Saxon. sub tit. vom Examine aller Kirchen-Diener. &c. §.* Also ist auch fol. 95. quibus dona alicuius populo innotescant. *Rittersbus. ad Novel. P. 1. c. 7. n. 36. & 37. Carpz. Jurispr. Confist. Lib. II. Tit. 16. D. f. 256. n. 5.* Analogiam quandam habet in opificiis das Meisterstück / quod perficitur hanc ob causam, ne idiotæ & imperiti, cum damno civium, ad exercendam artem, quam non perfecte didicerunt; admittantur, ne quis prius efficiatur magister, quam discipulus. *Matth. Steph. de Jurisd. Lib. II. P. 2. v. 8. n. 54. Limn. de J. P. Tom. 4. Lib. 4. c. 8. vid. & Besold. Thes. Pract. Voce Meisterstück.*

§. 2. Eruditionis in genere considerata nomen, cum applicari soleat & ad summam ejus speciem & ad infimam : *Speidel. in Additam. Pract. ad Voc. Gelehrte.* Quæritur jam, quo in gradu Eruditionis Specimen edendum sit? Eruditio in infimo gradu h. e. in legendo & scribendo sufficere videtur arg. §. 8. *Inst. de Excus. Tut. & Curat. l. 6. §. ult. b. t. & l. 93. §. 1. ff. de Acquirenda vel omitt. heredit.* Utpote quæ sufficere dicitur ad utilitatem Reip. promovendam in administrando Tutelæ munere, id quod etiam publicum in Jure nostro dicitur. *Pr. Inst. de Excus. Tut. & Curat. vid. Cujac. ad b. t.* Bartolus ad humaniorem literaturam, Grammaticam sc. & Rhetoricam respexisse videtur, dum expensas ad studia filii destinatas non ultra extendi voluit, quam quæ sufficiunt ad promovenda Grammaticæ &c. studia, *In l. legatis ff. de alim. & cibis.*

cibar. relict. Qui summam Eruditionem requirunt, eo-
nituntur fundamento, quod ea demum sit vera eruditio,
quæ summa seu potius doctrina dicenda. Hanc sc. inter
Eruditionem & Doctrinam differentiam ex Autoribus
Classicis deducunt. *Besold. & Speidel. ad voc. Gelehrte.*
& Rupert. ad C. Sallust. Dum Doctus refertur ad disciplinas
graviores, & solidam perfectamque doctrinam; Eruditus
vero ad humaniorem literaturam & elegantiam.

§. 3. Verum omnia hæc nec in totum rejicienda,
nec in totum admittenda. Eruditionem in legendo &
scribendo sufficientem admittimus pro ratione Loci, Mo-
di, Ætatis & Finis. *Ratione loci*: in Russia ultra legendi
& scribendi Scientiam eruditum esse non conceditur,
dictante id ratione status, quæ non patitur subditum.
Duce ipso doctiorem. *Olear. Lib. 3. c. 21. & 25. Conf. Chr.*
Func. Brev. Orbis hodie imperantis. Cap. 3. Erotem. 23.
Jam vero mores & consuetudinem cujusque regionis
attendi justum esse dicitur *l. si fundus. 6. ff. de Evict. l. sem-*
per in stipul. ff. de R. J. l. 1. C. de mancip. liber. l. 2. C. Quem-
adm. testam. aper. *Ratione Modi*: Si hic præscriptus fu-
erit Stipendiario, ut eo usque studia exserat, valebit inde,
quod pacta dent legem Contractui. *l. 1. §. si convenit ff.*
Depos. l. contractus 23. ff. de R. J. Bald. in legem quoties
12. n. 4. C. de suis & legit. lib. *Ratione ætatis*, si forte
exiguum tempus alicui concessum fuerit, sic non ultra
exigendum, quam vires suppetunt, cum impossibili-
um nulla sit obligatio *l. impossibilia 185. ff. de R. J. l.*
35. l. 69. de V. O. c. 6. de R. J. in 6. Et si enim Stipendiari-
us teneatur ad Specimen eruditionis edendum, attamen
non aliter intelligendum, quam in casu possibili, quando
factum præstari potest, secus ubi præstari non potest.

Garpz.

Carpz. L. 3. T. X. Resp. 49. n. 15. Ratione Finis item recte attenditur, an quis tantum ad tale munus obeundum destinatus sit, ad quod sufficiant humaniores literæ. Ita ad Tutelæ munus sufficit, si quis legere aut scribere sciat *arg. §. 8. l. de excus. Tut. & Curat. l. 6. §. ult. b. t.* Eodem modo judicandum erit de Bartoli opinione; nisi & insuper addendum, ipsum locutum fuisse de moribus seculi sui, quo omnis eruditio monasteriis inclusa fuit, laicis ab aditu ejus exclusis, teste Gramondo d. l.

§. 4. Ubi vero majore opus est eruditione, tale quoque eruditionis hic præsumitur intellectum specimen, quale tempori, & loco, & ætati & fini conveniens est. Ita in Theologo ad officium vocando id graphice requirit D. Dannhavver. *Eligatur*, inquit, *non qui solo ætatis privilegio gaudet, quem πολυτεχνία ad lautioris salarii ὀρεξίῃ stimulat, & predicamento passionis patientior, sic enim fieri potest, ut indigniores promoveantur, digniores posthabeantur: sed qui in predicamento actionis ad τοῦτο ἡ ἡγήσασθαι τὸ ἑὐχρηστὰς aptior; qui plus se exercuit specimenibus, non tantum editis, sed & egregie editis; ad summam, unde fructus fertilior & succulentior speratur antefereendus illi, unde vel nullus vel minor.* Nec admittendus est, sub conditione resarciendi neglecta vid. idem. *Dn. D. Danubawer. P. II. Spec. Theol. Symbol. conf. D. Balduin. L. IV. Cas. Consc. c. 6. cas. 8.* In Icto eruditionem suam per Specimen probante, requiritur ut tale sit, ex quo constare possit de capacitate muneris subeundi *l. nemini licere II. C. de Advocatis divers. Jud. Speculat. L. 1. P. 4. Tit. de Advocat. §. 1. n. 32. Berlich. P. I. Concl. 9. n. 56.* Idem in Medico observandum. De cujus enim vera & perfecta scientia non constat, nec Medi-

dicus dicendus est. *Farinac. §. Crimin. q. 120. n. 76. 77.*
 Adeoque qui talem se mentitur, neque est, pœnam doli
 sustinet. *Menoch. 2. de arbitr. quæst. Cas. 581. Ripa de pest.*
tit. de Remed. contra pestes Medicor. 66. Nec minor cir-
 ca Magisterii honores candidatis Philosophiæ conferen-
 dos adhibenda cura, ut per specimina diligentia eorum
 & eruditio innotescant. *arg. l. 57. ff. de V. S. conf. Besold.*
Disp. spec. de Magistris & Baccalaureis.

§. 4. A gradibus Eruditionis specialius ad Facul-
 tates deveniamus, quærendo, *quam facultatem stipen-*
diarius eligere, inque ea specimen eruditionis edere obliga-
tus est? Præsupponendi hic sunt initio casus, & qui-
 dem (1) si nulla Facultas a fundatore præscripta fuerit, sic
 liberum erit stipendiario eligere, quamcunque libuerit;
 cum conditio & modus legati etiam in voluntatem Lega-
 tarii conferri possit. *l. 65. §. 1. ff. de Legatis l. conf. Donell.*
L. 8. c. 15. pr. lit. b. Inprimis si conditio natura sua sit ju-
 sta & legitima. Jam vero omnibus Facultatibus sua in-
 est dignitas, sua utilitas, ut ita Studiosus, cujuscunque
 Facultatis sit, DEO, Ecclesiæ & Reip. inservire possit.
Carpz. Jurispr. Consist. L. III. Def. 12. Theologiæ dignita-
 tem dubiam quis non facile reddet, nisi quis humanæ
 rationis usu privatus fuerit. Interim non obstant calu-
 mniæ JCtis objectæ, communi Proverbio *Juristen böse*
se Christen & autoritate Lutheri in iisdem verbis fun-
 datæ, quorsum & illud tendit, JCtum malum esse Chri-
 stianum *Meteran. L. Histor. Belgic. ad fin.* Sane si simu-
 latam, perversam, artibusque illicitis mixtam quis eo
 intellexerit Jurisprudentiam, optimo jure ipsam damna-
 ram habeat. *conf. fus. Bechst ad. in præfat. Tractat. de Bello.*
Walther de Privil. Dd. p. 163. Klock. Consil. 29. n. 268. Besold.
 DV D Tract.

Tract. Polit. de Educat. p. 134. Verum hæc simulata Jurisprudencia non est nisi nomine talis, adeoque & nomine indigna, illaque demum vere talis est, quæ justitiam ab injustitia distinguit, boni & æqui scientiam introducit. *l. 1. ff. de J. & J. Struv. Exercit. 6. §. 14.* adeoque Decalogum in se continere dicitur recte *Castelio de Statu Publico Europæ. c. 34. §. 42. 43.* nullamque differentiam inter JCtum, & virum bonum intercedere notavit *Gothofr. in Not. ad L. 1. §. 3. lit. n. ff. de peric. & commod. rei vendit.* Accedit ipsius Lutheri interpretatio *In der Predigt das man Kinder zur Schule halten solle Tom. V. Jen. Germ. f. 180.* JCtorum ordo, inquit ille, DEI donum est eximium, utpote quorum beneficio imperia, magistratus, dominia, cujusque vita & bona, uxores, liberi, amici, contra malorum hominum injurias defenduntur, pax & tranquillitas bona generis humani inestimabilia stabiliuntur, nulli libri pro dicendis illorum laudibus sufficient. *conf. Exc. Dn. D. Schelvigii Programm. Anno 1688.* Quæ contra Medicinam afferuntur, ejusdem momenti sunt, conferrique poterit. *Martin. Centur. 9. Disp. ult. §. ult. & Dissert. Dn. Præsid. de Contractu Med. cum Ægrot. c. 2.* Quantum Philosophiæ illudatur ab ignaris occasione c. 2. ad Coloss. vid. *Besold. ad voc. Philosophie* Interim id de vera Philosophia dici nequit: de qua *Scheckius L. 1. Demonstrat.* egregie judicavit: tunc sc. demum beatas & quietas fore Ecclesias, si aut Philosophi veri dent operam Theologiæ, aut Theologi philosophentur. *pie. 8. 1. 10.*

§. 5. Quanquam & hic caute & conscienter eligendum sit studii genus: quod qua ratione institui possit, demonstrat *Dannbawer. Conf. Theol. P. II. Dial. 3. Q. 5. p. 710.* sc. attendendum esse ad naturalem instinctum, qui

voluntatis Divinæ circa talenti commissi dispensationem esse poterit interpres, imo & preces jungendas, quibus major eliciatur voluntatis Divinæ in stipendiario sensus. Nec spernenda item Virorum prudentum consilia, in scrutinio ingeniorum instituendo. *Conf. Janus Huartus in Tract. de Scrutin. Ingenio. in Proæm.*

§. 6. Posito vero jam (2) certam Facultatem a Fundatore præscriptam; qua ratione tunc Stipendiario studii genus eligendum, & specimine exprimendum veniat. *Cap. III. exponetur.* Propius hic accedamus ad Quæstionem principalem, *quo genere specimen optime edendum sit, ut de profectibus & eruditione constet.* Varia ejus genera esse supra expositum fuit, quibus singulis sua inest utilitas. De Examinibus certum est, optime illis explorari posse vires, & profectus Stipendiati, ita tamen ut Inspectores Examinis non favore, sed rei veritati ducti testimonium examinis præbeant, quæ de re egregie iterum *Ordinat. Stipend. Coburg. verb.* Sollen die Inspectores wie ein jeder bestanden/und ihre Censur und Bericht nicht nach Gunst oder Freundschaft/sondern nach ihren Pflichten/ damit uns sie verwand/und nach ihren guten Gewissen/als wir ihnen zutrauen/übersenden. Eadem ratione Stipendiati conscientia exigit, ne is se subtrahat Examine *per d. Ordin. Eccles. Cob. §.* Es sollen unsere ibi. sonderlich bey den Examinibus, welche alle halbe Jahr mit ihnen angestellet werden/ sich jederzeit einstellen / und ohne sonderbahre Erlaubniß unsers Consistorii, und des Inspectoris von denselben sich keines weges absentiren/ damit wir nicht zu ernstern Einsehen und Enziehung des Stipendii, durch ihren Unfleiß bewogen werden. *conf. plur. Dn.*

Fritsch. d. Tract. c. 9. n. 40. Et horum Examinum usum in rebus Ecclesiasticis tanti habuit antiquitas, ut jam inde ab Apostolorum temporibus in Ecclesia Examina Catechetica recepta, & pars essentialis ministerii necessaria fuerint. *Brunn. Consil. 142. n. 94.* Huc trahenda Examinis necessitas in Academico Doctore. *Additionator ad Lecturas Martini Uraui ad c. super eo 2. X. de testibus n. 6. f. 115.* adeoque minor fides habetur Ddibus Bullatis. *Melander in Comment. ad Process. Noe Meurers. f. 115. verb.* Es würde auch besorglich dieses einer Academie verkleinerlich seyn / wann dergleichen unexaminierte Ddres gemacht würden.

§. 7. Succedunt Disputationes, quæ partim quoad compositionem, partim quoad Respondendi & Opponendi promptam facilitatem, testimonium diligentiae præbere solent. Quoad compositionem observandum (1) ut proprio Marte vel in totum, vel ex parte, elaborentur, cum alias nec Præses nec ipse Respondens a suspitione doli immunis sit, & fundatoris intentio eludatur, & publicum præsumptione vana decipiatur. *conf. §. ult. Cap. 1. & Thomas. Tract. de Plagio Literario.* (2) ut materia non ridicula, nec inutilis, sed seria & ad vitam apta eligatur, cum hac ratione de ingenio & præcedentis vitæ abusu judicetur. *Nugæ enim delectant imbecillia ingenia, sicuti monstra in picturis:* ut recta iudicavit *Scalig. Exercit. 62. L. 1.* Idem iudicium est *Senec. de Brevit. Vita c. 13. conf. Limn. de J. P. L. 8. c. 6. n. 72.* (3) ut non adversetur religioni in Regno receptæ, imo nec illi quam fundator præcipit. Et hinc expresse in Ordinatione Stipendii Magdeb. *Tit. 8.* cautum: Es sollen alle Stipendiaten bevorab bey diesen besorglichen Zeiten / das

Ju.

Juramentum Religionis, ehe sie die Assignation empfan-
 gen / ablegen / 2c. Quoad promptam Respondendi &
 Opponendi facilitatem, dubium videtur, an inde elici
 possit testimonium diligentiae (1) cum saepe usu veniat, ut
 homo deficiat, etiamsi ratio non deficiat, adeoque quia
 non est omnium disputare, ideo pauci disciplinae dispu-
 tandi gnari sunt. *Augustin. de Verb. Dom. Serm. 38. Nazi-
 anz. August. L. 2. Soliloq. c. 14.* (2) obstat saepe naturalis
 modestia & generositas animi, quae a contradictionibus
 adeoque disputationibus natura abhorret, & saepe pro-
 caciorebus major inest facundia. *Conf. Diff. de Regal. in
 Append. Besold. c. 10. p. 1136. conf. Heider. de Ira f. 102. Thom-
 a Villa Nova in Concion. f. 165.* Verum respondetur, id
 iudicio boni & aequi censoris reliquendum, cujus erit ex
 circumstantiis judicare de capacitate. Stipendiati, adeo-
 que & hic modestiae argumentum obtinebit in studio di-
 versa tuendi, modo alia ratione constet de habilitate.
 Ceterum non diffitemur, magnum saeculo nostro inter-
 cessisse disputandi abusum, de quo *Grot. in Proleg. §. 52.*
Antiqui in ipso diversa tuendi studio laudabile praebuerunt
modestiae argumentum, rationibus inter se certantes, non
qui mos nuper literas adeo inquinare capit, convitiis, tur-
pi foetu impotentis animi. Nec incongrue Excell. Dn. Becm-
in Conspectu Doctr. Polit. c. 1. p. 4. incommoda talium Dispu-
tationum ita exprimit. Preparare sc. illas animos ad va-
rietatem sententiarum & contradictiones in publicis nego-
tiis excipiendas, adeoque esse instar venationum apud Prin-
cipes, quae bellorum in pace imagines sunt.

§. 8. Quid de concionibus dokimasticis seu
 Prob Predigten sentiendum sit, egregie *Gerhard. ad*
Matth. c. 25. p. 1095. jam tradidit. Non est indecorum nec

inconveniens, ut quis operam suam Ecclesie ad Ecclesiasticam Functionem offerat, atque sic honestam vocationem, expectet. Adeoque sine suspitione obtrusionis, imo & ex conscientia manifestare quis tenetur talentum sibi concreditum qua de re Cap. 1. Qua ratione vero instituendæ sint, Theologici fori est, & in genere idem fere modus illis præscribendus, qui ordinariis injungitur, vid. B. Dannhaver P. II. Specul. Theol. Symbol. Dialog. III. 2. 15.

Caput III.

De

Obligationis Causis.

CONSPECTVS.

§. 1. *Duplex Obligationis causa exponitur Principalis & Instrumentalis. §. 2. An fundator onere Speciminis edendi gravare possit Stipendiatum. §. 3. An certum temporis annum illi præscribere. §. 4. An modum & conditionem. §. 5. Resolvitur dubium: in incertam personam conferri beneficium, adeoque inutile esse. §. 6. An certam Facultatem præscribere & in illa certas hypotheses. §. 7. An Patroni obligare possint.*

§. I.

Obligationem a Causa deducturi, duplicem istam præsupponimus, Principalem seu Constituentem & Instrumentalem seu Administrantem. Principalis causæ nomine Fundator gaudebit, qui donat Stipendium, ut bonæ indolis juvenes, cum familiares, tum extranei, ex redditibus sustentati secundum foundationis literas & leges
flu-

studiis operam navent, familiæ ornamentum, Reip. Salutem & DEI gloriam promoveant. *Gockel. de Pii Donation. tb. 3.* Nec interest, quisnam & cujus conditionis sit, modo facultate alienandi gaudeat, cum nihil tam conveniens sit æquitate naturali, quam voluntatem Domini volentis rem suam in alium transferre ratam haberi §. 41. *Inst. de Rer. Div.* Adeoque a diversis fundatoribus diversa quoque stipendiorum genera dicta sunt, qualia a Principibus, Comitibus, Nobilibus fundata. *Fürstliche / Gräffliche / und Adelige Stifte* appellantur. *Conf. Besold. in Thes. Pract. Continuat. ad voc. Schül Stipendiaten.* Eadem ratio est stipendiorum a Civitatibus privatisque fundatorum, quæ iisdem privilegiis gaudere recte docuit *Abasver. Fritsch. Tract. Nom. Polit. de Stipendiis & Stipendiatis c. 4. n. 13. 14. 15.* quo in loco imprimis Civitates Lubecam, Noribergam, Ratisbonam, & Vratislaviū commendat, quibus si non superiorem, æmulam certe se præbet Civitas nostra Gedanensis.

§. 2. Exinde jam deducendum, *an fundator hac conditione seu potius hoc modo gravare possit stipendium, ut quis edat specimen* Eruditionis. Resp. Aff. (1) quia quilibet tam in actibus inter vivos, quam inter mortuos modum & conditionem alienationi rei suæ imponere potest, *tt. C. de his que sub modo l. 17. §. 2. ff. de manum. test. l. 7. & 37. ff. de contrab. empt. & l. 11. §. 9. ff. Legat. III.* Accedit (2) pie acturum fundatorem, si modum certum studiorum præscribat, ut hac ratione magis excitentur animi ad studia intensius & diligentius tractanda, cum intersit Reip. non simulata sed vera instructos philosophia & eruditione habere cives *arg. l. 1 ff. de J. & J. Conf. Perez. ad d. t. C. de Profess. qui in Urb. Constant. L. 12.* Et hac

hac ratione finis stipendii maxime obtinetur : id quod verba ultima c. 1. der Ehur = Fürstl. Sächs. Stipendiat-Ordnung in fin. egregie innuunt Verb. damit jederzeit / wo in Kirchen oder Schulen Mangel an Leuten vorfällt / die Nothdurfft auß denselben ersetzt / und ein Vorrath von gelahrten Leuten durch Gottes Gnade und Segen erzogen werde möge.

§. 3. - Imo etiam certum annorum terminum Specimini edendo præscribi posse extra dubium est *arg.* §. 32. *J. de Legat.* In eo tamen prudentia & animi moderatio Fundatoris commendatur, si justos limites præscribat, intra quos probabiliter edi possit specimen. Et ut tantum de Profectibus summarum Facultatum loquamur, (de his enim & scopus Disputationis nostræ agit, cum regulariter tum conferri soleant stipendia, postquam quis rudiorum literaturam superavit. *Meisner in Schol. Babyl. P. II. §. 57.*) quinquennium aliis justus videtur terminus esse; eo enim in specie Jurisprudentiam absolvi posse, innuit Imperator. §. 3. *J. Proæm. & Const. Omnem ff. §. 2.* Idem in Camera Imperiali decisum fuisse vult *P. I. Tit. III. §. 1.* An vero hæc annorum determinatio in reliquis studiis obtineat, dubitare licet. Quinquennium, vel Sexennium quidem placere videtur *Abas vero Fritschio d. l. c. 6. n. 12. arg. Ordin. Eccles. Coburg. Verb.* Wir wollen auch / daß hinführo die Stipendia einem jeden Beneficiario 5. Jahr gereicht werden solle. *Et in Ord. Magdeburg. Stipend.* in quo sexennium decisum est. Verum, si, quod res est, dicendum, & hanc determinationem annorum valere quidem posse ratione Stipendii fruendi, non vero ratione Speciminis edendi, ob diversitatem ingeniorum, quorum alia præ

præ aliis citius maturefcunt. Quæ ratio etiam quinquennii Juridici in arbitrium tempus mutati allegatur in *Recess. Imper. de Anno 1634. §. 28. in fin. verb.* Auch nicht so stark auf das Studium quinquennale auf deutschen Universitäten/sondern auf Qualitet und Geschicklichkeit gesehen werden soll. Et ita benigne in Ordinari. Eccles. Coburg. decisum, ut ad 5. annos stipendium conferri debeat, augendum tamen si spes profectuum adsit §. Wir wollen verb. würde sich nach Aufgang derselben 5. Jahr befinden/daß eine sonderliche Hoffnung bey einem Stipendiario eines vornehmen profectus sich ereigene. : wollen wir auf ein oder mehr durch ein sonderbahres Indult das Stipendium ihm prorogiren/ auch mit Gelegenheit mit einer Zubuß vermehren. Accedit tutius obtineri finem Stipendii (quem supra exposuimus, sc. ut tanquam dignus, Ecclesiæ, & Reip. inservire possit) si arbitrium tempus pro modulo ingeniorum constituatur.

§. 4. Porro stricto Jure Fundatori liberam circa modum & conditionem concedi facultatem, supra demonstratum. Non obstat *l. 70. ff. de Legat. 2.* in qua legatarium, adeoque stipendiarium non posse in plus onerari, quam accepit. Resp. id in quantitate verum, non vero in specie v. c. si legati fuerint Sempronio 100. Taleri, ut navem, quæ plus valet, restituat. Acceptando enim legatum ad navem præstandam tenetur, nec ad residuum valoris actio datur. *Donell. L. 8. c. 9. lib. C. Menoch. Consil. 206. n. 95.* Idem obtinet in facto, quale hic intercedit, ad quod quis obligatur acceptando legatum minoris valoris. *l. 36. ff. ad L. Falcid. Menoch. Consil. 206.*

n. 95. Nec obstat (2) Impossibilitas, ratione exigui temporis & Stipendii, quæ pro non adjecta haberi solet §. ult. *J. de legat.* Resp. distinguendo inter impossibilitatem in abstracto, vereque talem, & in concreto h. e. in hoc vel illo Subjecto talem, quæ potius difficultas dicenda est. Illa pro non adjecta habetur bene tamen hæc l. 4. §. 1. ff. de Statu liber. l. 137. §. 4. ff. de V. O. Donell. l. 8. c. 32. lit. c. Nec ignota sunt exempla ingeniorum, quæ tenuibus subsidiis, brevique spatio temporis, stadium studii certi, summo cum honore emensa sunt. Conf. Muller. *Diff. de Actibus oblativis* §. 1. tb. 8.

§. 5. Moveri quidem tandem possit, fundationem talem inutilem esse, eo quod in incertam personam sæpe conferatur, cum de capacitate accipientis incertitudo sit apud Fundatorem arg. l. 27. ff. de reb. dub. l. 30. ff. de testam. tutel. §. 25. *Inst. de Legat.* Verum facilis in promptu est Responsio, incertæ personæ legari quidem non posse, nisi ex aliquo eventu certa fieri possit. *Mantica de Conjectur. Ultimar. Volunt. Tit. 4. n. 16. & Tbusibus Conclus. 45. n. 11.* Id vero & hoc in casu per Scrutinium ingeniorum expediri posse recte docuit *Meisner. in Schol. Babyl. P. 2. §. 57.* Examine sc. profectuum ab Inspectoribus vel Præceptoribus instituendo.

§. 6. Præsuppositis istis extra dubium positum est, Fundatorem etiam certam præscribere posse Facultatem eligendam, cum æqualis omnium Facultatum finis sit gloria DEI & emolumentum Reip. & hinc Studiosi, cujuscunque disciplinæ sint, inserviunt Ecclesiæ, & Rei publicæ. Jam quæ res in se bonæ, earum electio Fundatori libera est, sine læsione conscientiæ, quanquam ratio-

tione Studiosi (1) jam supra monitum, caute ab hoc studii genus alterum præ altero eligendum esse (2) imo peccare si lucri vic. Stipendii tantum causa certum sibi studii genus quis eligat, cum Eruditio mercenaria esse non debeat *arg. l. 1. §. 4. ff. de Extraord. Cognit.* Sed per se amore virtutis, amore promovendi commoda Ecclesiæ & Reip. amplectenda: quanquam doleant hic omnium nationum Dd. de seculi nostri depravati moribus. *conf. fus. Friesch. c. 2. n. 6.* Sed jam quæritur: *An in facultatibus istis certas hypotheses præscribere possit Fundator?* Res videtur periculi plena, adeoque pro negativa securior videtur decisio (1) quod eruditio sit res intellectualis, quæ externam non admittit coactionem, adeoque cognitionum poenam nemo pati dicitur *l. 18. ff. de poenis.* (2) quod hæc conditio tanquam turpis, pro non adjecta haberi debeat *l. 1. ff. de Condit. Instit.* Turpis vero videtur, quæ vinculum conscientiæ imponit in rebus Theologicis, Justitiæ cursum impedit in Juridicis, periculum sanitatis curandæ infert in Medicis, veritatis indagacionem excludit in Philosophicis. Interim tamen contraria sententia secundum effectus Juris Civilis magis in Jure fundata est, caute tamen & distincte explicanda. Et ut ad (1) respondeatur, facili limitatione refelli poterit, sc. cogitationum, atque adeo eruditionis poenam nemo patitur, quatenus sc. in terminis cogitationis remanet, nec ad actum externum progreditur. *Barbos. L. 3 c. 26. ax. un.* & hinc in Theologicis, hæreticos beneficiis civilibus in poenam exclusos fuisse innuit *tt. C. de heret. & Manich.* In Juridicis nota est Decisio *Constitutionis Tanta §. 19. in fin. de Confirmatione ff.* qua allegans fragmenta antiqui

Juris tanquam temerarius & falsator æstimandus est, imo
& judex allegationes istas recipiens pro tali habendus est.
l. 2. C. de V. J. E. Qua ratione in Medicis opinio de
Quinquina punita fuerit in Gallia *vid. Diff. Domini Pres.*
de Contract. Medic. cum egroto. Cap. 1. Nec ignotæ sunt
in aliis locis receptæ, in aliis rejectæ hypotheses Aristo-
telicæ, Scholasticæ, Cartesianæ. Quoad (2) argumen-
tum de turpi conditione, distinguendum erit dicendo,
aliam effeturpem conditionem materialiter & formaliter
aliā materialiter tantum, aliam formaliter tantum *arg. l. 1.*
ff. de Condict. obturp. caus. Formalis turpitude alia iterū est
moraliter, alia civiliter talis. De illa nobis sermo non
est, sed de hac sc. quoad effectus civiles, qui rei vel actui
per tolerantiam (non vero per præceptionem) in Rep.
recepto attribuuntur. Et hoc sensu etiam Synagoga,
religiosa res dicitur, & ab hospitatione Militum immu-
nis est *l. 4. C. de Jud. & Calic. Christin. Vol. 2. Decis. 42. n.*
6. & Brunn. ad d. l. 4. Eadem decisio est in puncto Reli-
gionum, publico Magistratus & Reip. judicio recepta-
rum, & quidem ob rationem publicæ tranquillitatis, ne
ex illicitis motibus & turbis bello involvatur regio; qua-
les in Germania vigore Pacis Religiosæ sunt Romano-
Catholica, Reformata & Lutherana. *Blum. in Process. Cam-*
mer. T. 28. toto Swed. Introd. J. P. parte Gener. c. 3. n. 11. in
Gallia vigore Edicti Nannetici, olim Romano-Catholi-
corum & Protestantium & in specie Reformatorum *Gra-*
mond. L. 12. p. 572. & L. 18. p. 797. In Suecia vigore Sa-
cramenti regii, Consilii Upsalici de Anno 1593. Religi-
osi statuti Orebroensis de Anno 1617. ut & Legum a Ca-
rolo Gustavo publicarum Augustana confessio, exclu-
sis

fis Romanensibus Piafec. Chron. p. 114. & 117. Revers. Reg.
 Car. Gustav. n. 8. & Autor templi Pacis & Pacificentium.
 Art. 7. p. 385. In Polonia, Romano Catholica, Refor-
 mata & Lutherana. Conf. Hariknoch. de Rep. Polon. L. 2.
 c. 2. tb. 4. Hinc infertur ita : Quicquid publica Reip.
 auctoritate receptum, privilegiis munitum, ejus electio-
 nem & sequelam subditis concedi debere : jam omnes
 tres religiones receptæ, & ita liberum erit fundatori hanc
 præ alia Stipendiario sequendam præscribere, adeoque
 talis conditio turpis non est. Eodem sensu de reliqua-
 rum scientiarum hypothesebus dicendum, quæ si receptæ
 fuerint indistincte cum libertate sentiendi, liberum erit
 Fundatori hanc præ illa præscribere, secus si una tantum
 publice recepta, & reliquæ damnatæ, sic talis conditio
 recipiendæ istius hypotheseos vetitæ, non tantum tur-
 pis est civiliter, sed & nulla est, eo quod contra LL. posi-
 ta sit arg. l. 5. C. d. LL. Hæc tamen vim obligandi non
 inducunt in Legatario vel Stipendiario, utpote cui libe-
 rum erit non acceptare stipendium, sic per consequens
 non implere conditionem ; interim si nihilominus im-
 pleat, contra conscientiam peccare ipsum nemo nega-
 bit, quod boni temporalis ergo animæ salutem in peri-
 culum conjecerit. Interim si unquam obtinere potuit
 ratio Ulpiani in l. 4. §. 3. ff. de Condict. ob turp. Caus. cer-
 te hic obtinebit, turpiter ipsum agere (sc. moraliter)
 quod contra Conscientiam Religionem quandam ample-
 xus fuerit, sed non turpiter (h.e. civiliter) agere, quod,
 postquam impleverit conditionem, Stipendium petat.
 Conf. Covarr. inc. Peccat. X. de R. J. L. 6. p. 252. n. 1. 2.

§. 7. Jam ad Patronos seu Inspectores Stipendii

E 3 nos

nos convertamus, qua ratione hi Obligationem imponere possint Stipendiario, & quidem (1) si fundatores modum præscripserint, sic quicumque fuerint sive Testamentarii, sive Legitimi, sive Dativi Inspectores, tunc tenentur eundem servare, cum illi sint instar Executorum testamenti, quorum est in omnibus servare voluntatem fundatoris *l. 28. C. de Episc. & Cler. Barry de Success. l. 11. Tit. 20.* Huc trahenda dispositio des. Fürstl. Magdeburgischen Visitationis Decret de Anno 1656. verb. So begehren wir / daß die verordneten Testamentarii (Inspectores und Executores) und diejenige/ welche solche Stipendia in Händen haben / und ihnen die Aufsicht committiret und aufgetragen allen möglichsten Fleiß anstrecken/ damit solche zum Studiren gewidmete Stipendia hinwiederumb im Gang und Schwang kommen / nichts davon absondern / vielmehr alles / was in den Testamenten zu Verbesserung verordnet / herbey gebracht ic. Et hinc proprie profanos in usus convertere non possunt Stipendia, cum id sit species sacrilegii §. 8. *f. de R. D.* imo præter intentionem Testatoris nec in alios pios usus v. c. alimentationem Parentum. Et hinc Parentes tales peccare docet Mengerling, qui stipendia liberis destinata in usum domesticum impendunt in *Tractat. de Cas. Conf. c. 10. Cas. 92. p. 998.* Ita nec facile stipendia v. c. Theologica inprimis in Studiosos Juris, vel Medicinæ conferenda, propter majorem Theologiæ necessitatem & sanctitatem. Quam ob causam, sicut non facile Apostasia Studii Theologici conceditur *Speidel. ad voc. Student.* ita nec facile stipendii immutatio *Lim.* (1) nisi forte majus bonum immineat ex studiorum mu-

mutatione. *Fritsch. p. 68.* (2) nisi causa, quam Testator
 indigitavit, cesset. *c. 51. X. de Reg. Jur. in 6. § l. 16. ff. de
 usufr. leg. conf. Carpz. Jur. Consistor. L. 2. D. 332.* (3) nisi
 probabiliter consensurus fuisset testator. Sed jam *quid*
si nihil disposuerit Fundator, an administratores obligare
possint? Resp. Videtur Neg. quia onera non sunt præ-
 sumenda, & in legatis ad piam causam semper præsumi-
 tur quod magis est, non quod minus. Sed rectius Resp.
 Affirm. ex natura stipendii, ut constet an recte impen-
 sum fuerit. Hinc egregie verba der Fürstl. Sächsis.
 Magdeburgischen Visitation Decret de Anno 1656. p. 35.
 Daß die Stipendia tüchtigen subjectis die es nützlich /
 und nicht etwa zu prächtiger üppiger Kleidung / oder
 sonst zur Quaserey anwenden. Qua ratione vero
 constare poterit de qualitate, nisi hanc per externum
 Specimen quis exprimat, cum nec Ecclesia de occultis
 iudicet? Non credendum enim facile Parentum te-
 stimonio, utpote qui amore liberorum excoecati, sem-
 per in favorem liberorum illud deponent *l. parentes &
 Liberi C. de Test. Carpz. L. 1. Resp. 89.* Credendum hic
 magis videtur Præceptorum testimonio, cum perito
 de arte sua testanti credendum sit. *Coffet.*

in Singul. suis in verb.
Testis. 2.

Caput

Caput IV.

De

Obligationis Effectu.

CONSPECTVS.

§. 1. *Constituitur triplex Obligationis effectus. §. 2. Obligationis Naturalis species. §. 3. Obligationis Civilis species. §. 4. Qu. An conditioni causa data causa non, secuta in repetendo Stipendio locus esse possit. §. 5. Ostenditur species Obligationis Civilis & Naturalis simul & inde orientes actiones.*

§. 1.

Breviter denique cognoscendum erit, quemnam effectum Obligatio Studiosi Stipendiarii hucusque variis rationibus demonstrata, producere valeat. Cum vero triplex in Jure juxta effectus reperitur Obligatio *Naturalis, Civilis, & Naturalis Civilisque* simul, tres quoque ex hac materia eruendi erunt casus, triplici Obligationi dictæ conformes.

§. 2. *Obligationis Naturalis species in casu, si a Fundatore vel. Administratoribus Specimen Eruditionis non fuerit exactum, conspicitur. Est enim Obligatio Juris Naturalis vinculum, quo quis adstringitur in conscientia ad præstandum id, quod honestas & æquitas exigit, sine conventionione. Strauch. Diss. 12. de Nat. Oblig. Pact. & Contr. §. 2. quæ requisita casui isti maxime convenientia esse, ex antecedentibus constat. Interim effectum civilem nullum producere videtur, sc. ut Stipendiarius con-*

conveniri possit ad Specimen Eruditionis edendum.
*Conf. generalia naturalis obligationis in Curt. Jun. ad Auth.
res quæ n. 55. C. Communia de legat. Cautela itaque hac
supererit, ut adeatur Magistratus, petaturque ut ex of-
ficio nobili imponat Studioso necessitatem edendi Spe-
ciminis; quæ potestas Magistratui vi supereminentis
Domini competit, quo subditum cogere potest non tan-
tum ad id præstandum, quod stricto Jure debetur, sed
& quod laudabiliter præstari solet, inprimis si accedat
publica utilitas. Conf. Anton. de Petr. de Potestate Princi-
pis c. 32. Sect. 4. n. 50. Menoch. Arbitr. Jud. Quæst. L. II. Cent.
5. Cas. 462. num. 13. Conf. Grot. L. 2. c. 25. th. 4. & L. 1. c. 2.
th. 1. n. 3. et seq.*

§. 3. Succedit Obligationis Civilis species, in
casu, quo Fundator vel Administratores certam in studia
aliquo hypothesein præscripserint. Quæritur itaque an
Stipendiarius acceptando legatum ad hypothesein illam
amplectendam deque illa Specimen Eruditionis eden-
dum conveniri possit? Resp. civiliter ipsum obligari
constat ex eo, quod consensus intercesserit seu verus, seu
fictus & simulatus *arg. l. 21. §. pen. ff. Quod metus causa*
adeoque ipsum recte conveniri posse juxta effectum obli-
gationis Civilis *conf. Schneidw. ad Inst. de Obligat. p. 361.*
Verum juxta effectum ejusdem Obligationis Civilis, ex-
ceptione se ab Obligatione liberum reddere potest, pro-
pter naturalem Obligationis injustitiam *arg. §. 3. Inst. de
Except. (1) quia omnis promissio boni alienius im-
peditiva non est obligatoria Grot. L. 2. c. 13. th. 7. num.
2. (2) quia omnis Obligatio per errorem (qualis
hic intercedit, dum quis initio veram credens hypothe-
sin postea falsam repperit) contracta rescinditur arg. §.*

2. *Instit. Quib. mod. re contrab. Oblig.* imprimis si tale quid emergat, quod antea non fuit præcognitum *Thom. c. 2. qu. 89.*

§. 4. Interim tamen quæritur, an conditioni causa data, causa non secuta, locus sit ad repetendum Stipendium? Resp. Neg. quia per eum, qui promissit non stetit: quam rationem in factis non præstitit allegat *Struvius in Exercit. 18. tb. 10.* jam vero res intellectus & conscientia non sunt in nostra potestate, & si per nos non fiat moraliter, an falsam hypothesin ediderit velimur prævera. Hoc ita tamen accipiendum (1) si res jam sit consumpta, & accipientis intentio non sit integra sit res & non inter sit accipientis, poenitentiam locus erit. *l. 5. pr. & §. 2. ff. de Condict. Caus. dat. caus. non secut. Struv. d. l. tb. 15.* (2) si quis bona fide consumpserit, non vero qui simulans hypothesin consumpserit Stipendium, & postea falsam illam esse publice asserat.

§. 5. Restat tandem Obligationis Civilis & Naturalis. Species in casu, quo stipendium sub expressa conditione Speciminis edendi alicui concessum. Et inde exurgit vel actio præscriptis verbis ad implendam conditionem, vel actio causa data causa non secuta ad dissolvendum *conf. D. Brunn. Parat. Wefemb. ad Tit. P. V. Q. 3.* Illa eo usque agitur, donec impleatur conditio, aut si implere nolit, ad interesse condemnatur *l. fin. C. P. V. Erantzk. ad. d. t. n. 60. 61.* Hac vero agitur ad rem repetendam *l. 12. ff. de condict. caus. dat.* vel si res forte non existeret, ad æstimationem *arg. l. 65. §. 6. ff. de condict. indeb. Struv. d. l. tb. 18.* Nec valet hic exceptio impossibilitatis in Specimine edendo ob defectum Eruditionis, cum illa non sit absolute talis, sed tantum in Persona accipientis, quæ

121
quæ tunc non relevat a conditione *conf. Hillig. in Donell.
L. 14. c. 25. Struv. Exerc. 18. tb. 9.* Interim si per Stipen-
darium non stetit, quo minus possit edere Specimen,
forte per morbum vel aliam causam impeditus, ad red-
dendum Stipendium compelli non poterit, idque in pri-
mis favore liberalium artium, quibus hoc privilegium
concessum est. *l. 38. ff. Locat. Conduct. l. 1. § 13. ff. de ex-
traordin. cognit. Gail. L. 1. Obs. 44. n. 12. Mynsing. Gent.
3. Obs. 8. Carpz. P. II. Decis. 136.
num. 20.*

COROLLARIA

I.

Studioſus peregrinans in itinere in mor-
bum periculosū incidens vovet, se dimidiam
partem bonorum ad pias causas erogatu-
rum, si convaluerit. Qu. an si liberos ex
uxore ducta postea procreaverit, teneatur
ad totum votum servandum. Resp. Neg.
de Jure Canonico, cum limitatione in E-
vangelicis Ecclesiis recepta.

II.

Votum cælibatus ad certum tempus, in-
justum esse nequit in Studioſo.

III.

Vidua tamen, quæ secundis nuptiis Jure Civili odiosis voto renunciavit, non obligatur eodem.

IV.


Vota Parentum ad liberos Studio Theologico vel juridico destinandos, hos non obligant.


V.


Amore Scientiæ morientes, die sich zu todt studieren / certo sensu martyres dici possunt.

VI.

Die Dominica Jura studere non licet.







Biblioteka Jagiellońska



stdr0009533

